

Karpal kecewa saman sivil Altantuya terus tertangguh
Malaysiakini.com
October 03,2011
By Susan Loone

Tidak ada perkembangan berhubung saman sivil terhadap kerajaan dan mereka yang bertanggungjawab atas kematian warga Mongolia Altantuya Shaariibuu pada tahun 2006.

mongolian woman bombed altantuya 081106Peguam Karpal Singh berkata permohonan saman yang difailkan oleh bapanya Setev pada 4 Jun 2007 telah ditangguhkan kerana kedua-dua anggota polis yang didapati bersalah dalam pembunuhan itu telah memfailkan rayuan mereka di Mahkamah Rayuan.

Hakim berkenaan, menurut Karpal, juga masih belum menyerahkan penghakiman bertulis.

"Saya tidak nampak mengapa hakim masih belum selesai menulis hujah penghakimannya... ia telah masuk dua tahun," katanya.

"Saya telah bangkitkan isu ini di Parlimen tetapi hanya mendapat jawapan bertulis, yang tiada gunanya."

Karpal berkata kelewatan yang berlarutan dalam menyediakan penghakiman bertulis boleh menimbulkan masalah kerana tertuduh boleh memfailkan rayuan di mahkamah.

NONE" Mereka boleh membuat aduan prejudis - dan sama ada hakim mampu ingat apa yang beliau dengar semasa perbicaraan dulu... dan sebab ini penghakimannya dilambatkan.

"Jika mereka boleh membuktikan ada prejudis, maka mahkamah akan timbang semula kes itu. Saya pernah ada kes di mana, akhirnya, hukuman lebih berat yang dijatuhkan digantikan dengan yang lebih ringan."

Karpal berkata beliau telah berulang kali menulis kepada mahkamah untuk pengurusan kes saman itu, tetapi masih belum menerima jawapan.

Justeru, beliau merancang untuk menimbulkan perkara itu sekali lagi semasa persidangan Deawn Rakyat yang bermula hari ini.

"Keluarga (Altantuya) telah banyak kali menulis untuk bertanya bila kes itu akan dibicarakan tetapi saya terpaksa terus beritahu mereka bahawa ia akan mengambil masa. Malah kes rayuan daripada kedua-dua (anggota polis Azilah Hadri dan Sirul Azhar) masih tidak diselesaikan lagi," katanya.

altantuya trial 160707 azilahSekiranya kedua-dua anggota polis itu menerima keputusan yang tidak memihak mereka, mereka masih boleh membawa perkara itu ke Mahkamah Persekutuan dan seterusnya melambatkan lagi perbicaraan saman sivil.

Setev dan isterinya, Altantsetseg Sanjaa, kini adalah penjaga bagi anak-anak Altantuya.

Mereka menyaman defendan RM100 juta kerana menimbulkan penderitaan fizikal dan mental terhadap keluarga itu.

Mereka juga menuntut ganti rugi khas, ganti rugi teruk dan teladan

<http://www.malaysiakini.com/news/177558>